



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

6. Bulæ exemplum egestate ad rapinas adacti.

urn:nbn:de:hbz:466:1-45699

tim ad stipem publicè accipientiam adegit, ob inopiam, manus porrigere: partim redegit ad tabulas præſigiatrices; nulli vero facultatem rei vllijs præclaræ, aut ipsius dignitati conuenientis gerendæ permisit. 5. Certe ſæpenumerò dira egestas, ad quædam indecora, immò nefanda homines agenda, vel patienda impulit. Egestas multos eò adduxit, vt furta committerent, vt rapinas exercerent, vt latrocinia patrarent. 6. Egestas constantiam labeſt, fortitudinem fregit; prudentiam seduxit, iuſtitiam vendidit; ſeditiones mouit; proditiones promovit; innocentiaſcopolus, ſanctitatis naufragium fuit, & ruina virtutum. Atq; hoc etiam ſenſu Propheta dixit: *Infirmata eſt in paupertate virtus mea.* Psal. 30. 12. S. Hieronymus legit: *Infirmata eſt in iniuitate virtus mea*, ac ſi idem sit dira egestas, & iniuitas. Aliquid quotidie, inquit ad Lucilium Seneca, aduersus paupertatem auxiliij compara, nec minus aduersus ceteras pefteſ. Senecæ igitur inter pefteſ eſt paupertas, & quia virtutum robur tollit, eneruatque vires pectoris generosi, cuius vigor, vt in Job legimus, fit *inopia & fame steriliſ*; & quia pefſimas Job. 30. 3. inducit in hominum mentem diſpoſitiones, quæ quaſi tempeſtas ſunt vitiorum. Ita enim Ieremias loquitur: *Pellis noſtra quaſi cli- banus exuſta eſt à facie tempeſtatū famis.* Varias enim fames excitat tempeſtas, vnde boni mores, & bonæ artes, & bonæ virtutes naufragium patiuntur. Itaque sapientes diram egestatem, quaſi iniuitatem, peftem, tempeſtam cenſuerunt fugiendam: *ut dum ma- ter criminum neceſſitas tollitur, peccandi ambitio auferatur;* ait Caſſiodorus. Quin, teſte S. Chryſologo, ipſe eſcribit Christus, *ut ten- tandi materiam diabolus inueniret.* Quare non ſine cauſa orauit regius Psaltes: *De neceſſatibus meis erue me.* Et Manasses coniux Judithæ illi ſufficientem cenſum reliquit, ne egeſtate oppreſſa ad illicita traheretur, inopiaque illi eſlet occasio ruinae. Quia, vt Cicero ſenſit, *omnes qui in paupertate ſunt, malunt maleſicio, quam offi- cio parare diuitias.* Et Philoſophus existimat fieri non poſſe, ut indi- gens operetur bona. Certe alibi ait: *Imposſibile eſt, indigentem bene principari, & ſtudio vacare.* Saltem hoc incommodi habet pauper, Politicor. quod non poſſit egenitibus ſubuenire, neque exercere liberalitatem, quæ apud inopes nimis paucō centro & ſpatio eſt circumſcripta.

Atque vt vnum alterumue exemplum afferam, in quo ap-

Caſſiodorus.
lib. 9. ep. 134
S. Pet. Chryſologus.
fol. ſerm. 11.
Pſal. 24.
Judith. 8. 7.

Cic. ad He-
renn.
Aristot. lib. 13
Ethic.
Idem lib. 13.

A 3 paret,

VI.



Cap. I. Cur odiosa sit paupertas?

S. Ambros. paret, quid in vitijs possit paupertas, de iuris violatione, ita pronunciat D. Ambrosius: *Sicut dinitie negligentiam pariunt salutis; ita egestas dum saturari querit, à iustitia declinat.* Si enim exossis, vt in prouerbio est, suum ipse rodit pedem, quantò audiuimus inuadet alienum? Quare, vt inopiam mutaret in abundantiam, teste

Xiphilin. in vita Seueri. Xiphilino, Bulas coepit, infestissimis armis, per Italiam grassari, factusque est, sub Seuero Imperatore, famosissimus latro. Siquidem comparata sexcentorum sicariorum manu, per totum biennium, maximas prædas fecit. Hic cum Centurionem vitæ suæ insidiatorem cepisset, raso eum capite ad Severum Imperatorem remisit, cumque interrogaretur, quid Imperatori vellet nunciari? *Iube, inquiebat, dominos tuos ipsos seruos suos atere, ne latrocinentur.* Habebat enim Bulas multos apud se Cæsareanos, partim exigua mercede, partim nullo certo stipendio conductos, qui se numquam ad latrocinandum contulissent, si Cæsar debito stipendio persoluto, eos ipse aluisset. Itaque quos stipendijs spes fecerat milites, illos salario subducto inopia fecit latrones. Quales hodieque multi non solum proscripti, verum etiam ob alimenti penuriam profugi inueniuntur, qui malunt sub latronum duce stipendijs expleri, quam ibi milites ærarij esse, vbi neque æs, neque argentum; neque commeatus ullus habetur. *Quamobrem idem Bulas, cuiusdam mulieris, cum qua scortabatur, ope deprehensus, & à Papiniano praefecto prætorio interrogatus, cur latrocinium fecisset? respondit: Et tu dic, cur Praefectus sis? Erat nimis Papinianus homo prædiosus, & magna apud Cesarem existimationis, ac propter opum suarum splendorem in aulam admisus, Bulas vero penuria rerumq; egestate vexatus, latrocino viatum querere cogebatur.* Quare sicut canes fame ad rabiem adiguntur, ita homines inopia sic facit efferatos, ut obuios quoque, spolijs caussa, quantumuis innocentes inuadant.

VII.

Thren. 3.1. *Ætrumnas ex inopia natas quis non deplorauit?* Ieremias,

Ib. v. 19. cùm lamentari vellet, dicebat: *Ego vir videns paupertatem meam:*

Innocent. de vilitate condit. humana. *itemque: Recordare paupertatis & transgressionis mee, absynthij & fells. Et regum sapientissimus: Omnes dies pauperis mali. Innocentij verba sunt: O miserabilis conditio mendicantis! si petit, pudore confunditur: si non petit, egestate consumitur: & ut mendicet, necessitate compellitur. Deum causatur iniq[ue], quod non recte dicit; proximi-*

20166